

ঢাকা বিশ্ববিদ্যালয়ে দুর্ভক্তের ধারাল অস্ত্রের আঘাতে শিক্ষার্থী নিহত

অনলাইন ডেস্ক

প্রকাশিত: ০১:৩৩, ১৪ মে ২০২৫



ঢাকা বিশ্ববিদ্যালয় এলাকায় দুর্ভক্তের ধারাল অস্ত্রের আঘাতে ঢাবির এক শিক্ষার্থী নিহত হয়েছেন। নিহতের নাম শাহরিয়ার আলম সাম্য (২৫)।





মঙ্গলবার দিবাগত রাত ১২টার দিকে রক্তাক্ত অবস্থায় সাম্যকে ঢাকা মেডিকেল কলেজ হাসপাতালে নিয়ে আসলে চিকিৎসক মৃত ঘোষণা করেন। চিকিৎসকের বরাত দিয়ে তার মৃত্যুর বিষয়টি নিশ্চিত করেছেন ঢাকা মেডিকেল পুলিশ ক্যাম্পের ইনচার্জ মো. ফারুক।



তিনি জানান, রাতে সহপাঠীরা তাকে রক্তাক্ত অবস্থায় হাসপাতালটির জরুরি বিভাগে নিয়ে আসে। এরপর চিকিৎসক পরিক্ষা নিরীক্ষা করে তাকে মৃত ঘোষণা করেন। তার ডান পায়ে ধারাল অস্ত্রের আঘাত রয়েছে। মরদেহটি ময়নাতদন্তের জন্য মর্গে রাখা হয়েছে।



Watch on 

নয় বছরের আমানের বিশ্বরেকর্ড | News | Sports | Janakantha

ঢাবির আই,আর ডিপার্টমেন্টের ২০১৮-১৯ শিক্ষাবর্ষের ছাত্র সাম্য। থাকতেন এফ রহমান হলের ২২২ নম্বর রুমে। তার বাড়ি সিরাজগঞ্জের উল্লাপাড়া উপজেলায়।

জানা যায়, রাতে মোটরসাইকেল চালিয়ে ঢাবি সংলগ্ন সোহরাওয়ার্দী উদ্যান মুক্ত মঞ্চের পাশ দিয়ে যাচ্ছিলেন সাম্য। এময় অন্য একটি বাইকের সাথে ধাক্কা লাগলে উভয়ের মধ্যে কথা কাটাকাটি এবং ধস্তাধস্তি হয়। এক পর্যায়ে সাম্যকে ধারাল অস্ত্র দিয়ে ডান রানের রানে আঘাত করে পালিয়ে যায়।



এদিকে, শাহবাগ থানার অফিসার ইনচার্জ (ওসি) মো. খালিদ মনসুর জানান, ঘটনার বিস্তারিত জানার চেষ্টা চলছে।